

Aso Ono - 01/05/21

Tusi Faitau – Maleko 9: 42-50

Fuaiupu Filifilia - f.42: “*So se tino e fai ne ia se mea ke agasala a tamaliki konei kola e talitonu ki a au, e sili atu moi fai ne ‘sai tena ua ki se fatu solo lasi kae pei ki te moana ‘poko.’*”

Ulu o te aso – Fakalavelave mo te see mautino kae fakamaoni.

Ko mea katoa kola e ola, ne fakatulagagina ne te Atua ki olotou tulaga, e pela eiloa mo te fuafuaga i te ata faite a te Atua i te kamataga, ne atafai kae teufatugina. E seai se mea ne ‘pei io me ne tiakina i tua i tena foafoaga. Kae ui eiloa a mea katoa konei, e isi eiloa sena faletonu. Ko ‘kese’kesegakola nei ai iloto i mea katoa konei, ko faigata ei o ave keateamai ei. Ko kàmata ei o tupu a te faletonu mo te mavaevae i te uke o mea iloto ia tatou i vasia o tatou, pela foki mo te seai se mea e mafai ne ia o taofi tatou, kae na fua ko te natula o mea kona ka fakamàfua ne ia a te se nofo toka.

Kae pefea eiloa a tulaga konei, e mafai eiloa o toe maua a mea katoa i te ‘lei mo te gali e pela eiloa mo te i ai i te kamataga o te foafoaga, tela ne fakatoka ne te Atua i auala fakafoofogina mo te fiafia, ona ko aumai te tagata mo ana tala fakasolopito i te mea ne kamata mai ei. Ko aumai mea katoa ko te mea ke tasi, e auala i te taulaga ne fakatoka ne te Atua liutino tagata. Ko te fakamoemoega tena o Keliso mò tatou, ko tatou ke kaufakatasi i tena galuega fakaola, ko te mea ke mafai o toe fakafoki mai te lalolagi i te maopoopoga e tasi e pela eiloa mo te i ai i te kamataga o te foafoaga.

Amene.

TALA O MEKALA

Aso Saa - 02/05/21

Tusi Faitau – 1 Samuēlu 18: 1-16

Fuaiupu Filifilia - f.12,16: “*A Saulo ko matakū ki a Tavita, i te Alikī e fakatasi ki a Tavita, kae ko se fakatasi ki a ia. Ka ko tino katoa i Isalaelu mo Iuta, e fiafia katoa ki a Tavita me se takitaki e manuia faeloa i ana mea e fai.*”

Ulu o te aso – Tavita, Ionatana mo Saulo.

Ko masani tatou i te faitauga o te Tusi Tapu i nai fuaiupu io me se vaega foiliki, kae ko se mafai ne tatou o malamalama i te ‘kano tonu o te fekau tela ka aumaigina ne te tala. Ko tala o Tavita, kamata mai i te tusi muamua o Samuēlu ke oko atu ki te tusi muamua o Tupu mataupu e 2, 1Samuēlu 1-1Tupu 2, e fai mai me ko tusitusiga io me ko tala o te tagata lotu fai ki mua, mai te olaga fakatalavou o Tavita ke oko eiloa ki tona matua. Ko foliga mai ko seai se fakamoemoe, i te uke o mea ne fakamalosigina ei a ia mo ana filifilifiga. E se gata i te malo o Isalaelu kae e pena foki tona kàiga. A ia se tagata e talenigina, se tagata e lotu lasi kae atamai, kae faigofie o fakaseegina ona ko tona m̀losi. Ko tona manumalo ko fai mo fakalavelave, ko fai ei a ia mo ata e see faigata. Tavita mo Ionatana te tamaliki a Saulone ‘sai a te la mafutaga fakataina. Kae ko manatu Saulo i tona malosi ke fai te mea e lotu a ia ki ei. Tela, ko fai mo auala e fakatupu ne ia a te lotu masei ki a Tavita, te toa fou kae lauiloa.

Ko fakamasaua mai ne te tala o te aso nei, ko te mea ke iloa ne tatou me ne pefea eiloa tulaga o tou fai mea lei i tou olaga, kae isi eiloa latou kola e taumafai o fakamasei kae fakaseaoga au mea lei ne fai, e pela mo Saulo ona ko te lotu masei mo te masalosalo, ko te mea ke

fakamaliegina ai tona loto masei. Konei tulaga o te olaga e fakaasi ei a te galo o te Aliko i 'tou olaga, e seai se alofa kae na fua ko te fakamasei mo te lamalama ke fai se mea masei ki tou taina. Iesu Keliso ne alofa ki sose tino, tela ne fakaasi tona alofa katoatoa, ko te mea ke se malaia sose tino e iloa ne ia a Ia.

Amene

Aso Gafua - 03/05/21

Tusi Faitau – 1 Samuelu 18: 17-29

Fuaiupu Filifilia - f.20-21a: *“Ne fiafai a Tavita mo Mekala, te tama fafine a Saulo, tena ne fiafia ei a Saulo i te taimi ne logo ei. Ne mafaufau aka a ia penei, ka tuku ne au a Mekala ki a Tavita; Ka fai ne au a Mekala ke malei ei a Tavita.”*

Ulu o te aso –Ko alofa Mekala ki a Tavita.

Ne tuku atu muamua ne Saulo a Melapa tena tamafafine, kae fakasoko atu ei ko Mekala. Kae i te taimi o te sautalaga e uiga ki a Mekala, ne kamata o se talitonu a Saulo i a Tavita, tena ne kamata ikona o fesotaki atu a ia ki ana tavini kola ko fai mo tagata fakatonutonu. Ko iloa nei ne tatou a mea masei katoa ne fai ne Saulo. Kae ko te fesili la, mata e fakamaonigina ne Tavita a tona fakamaulalogina i ana taleni?Konei a lagona o te tino loto masei, ke mo à e fakailoa a tona fia mauluga.

Ko oti ne iloa ne tatou a te alofa o Mekeala ki a Tavita, kae tenei e iloa te taimi ko iloa ne tatou mai te Feagaiga Mua a te alofa o te fafine ki te tagata. E tena fua te mea e iloa ne tatou ia Mekala. Kae mò Tavita, e fiafia e iloa a ia ke fai a ia mo tino tonu o te kaiga, ko te mafutaga tela e agai ki mua. I fuaiupu fakaoti e lua e fakamatala ai a te katoaga o te 'tala: Ne manuia Tavita ona me ko fakatasi te Atua ki a ia, ko te alofa o Mekala mo te matakū o Saulo. Konei a fakamatalaga ko mautinoa i ei ne tatou, me ne fakamatalaga ne tusigina faka'lei.

Tela la, e oko foki ki a tatou a lagona konei o te matakū manafai e se tali faka'lei ne tatou a manakoga o latou kola ne alofa mai ki a tatou. Iesu Keliso ne alofa mai ki a tatou kae ne tali 'lei foki ne ia a 'tou agasala iluga i te Sataulo, tela ko ola tatou i te alofa o te Atua...

Amene

Aso Lua - 04/05/21

Tusi Faitau – 1 Samuelu 19: 8-17

Fuaiupu Filifilia - f.11b-12: Ne fai Mekala, te avaga Tavita ki a ia penei, “kafai koe se fano keatea i te po tenei, a koe e mate taeao.” Tena, ne tukutuku ifo ne Mekala a Tavita mai te famalama tena sola e iloa Tavita.

Ulu o te aso –Ko fakasao ne Mekala a Tavita.

Koa manino i te faitauga o te aso tenei a te tonu mo te fakamaoni o te alofa o Melaka ki a Tavita. Ne lagona ne Mekala a manatu se tonu ne taupulegina ne tona tamana kola ka fai ki a Tavita, Ne seki fakatali a ia, kae ne taumafai e iloa a ia o fakatino se galuega mo fakasao ei a Tavita. Kae ne faipati atu a tona tamana, kae fakafesili atu me ka ia ne tuku ei a Tavita ke fano. Ne vave a tona mafaufau o tali atu ki se tali se tonu ki tona tamana, tela ne fai atu ei Mekala, ko matakū tavita ia koe, tena ne sola vave ei a ia e aunoa mo se pati fakafetai.

Ko kesekesega konei ko matea ne tatou i te fakamavae atu o Tavita ki a Ionatana mai te tala o Melaka mo Tavita (1Samuelu 20: 41-42) Ne sola keatea Tavita e aunoa mo se pati e tasi e fakafetai atu ei ki galuega alofa kola ne fai ne tena avaga te tama fafine a Saulo. Tela la, ko fakamasaua mai te tala tenei ki a tatou katoa, ke mo à e puli ia tatou a galuega 'lei ne fai ne sose tino ki a tatou, o fakafoki atu te fakafetaiga ona ko tulaga olotou galuega 'lei ne fai mo tatou, kae sili atu la i ei, ke masaua faeloa ne tatou a te fakaolataga a te Atua ne fai mo tatou, o fakafoki atu a 'tou fakafetaiga ona ko ola tatou katoa mai tona alofa tauanoa.

Amene

Aso Tolu - 05/05/21

Tusi Faitau – 1 Samuelu 25:39-44

Fuaiupu Filifilia - f.42-44: *Ne tu fakavave a ia kiluga, sopo atu ei ki tena asini. Tena ne fanatu ei a ia mo ana tavini e tokolima, olo tasi atu e iloa latou mo Tavita, avaga e iloa laua mo Tavita. A Tavita ne avaga ki a Ainoama mai Iselelu, kae nei ko avaga foki ki a Apikaila. I te vaitaimi tena, a Mekala, te tama fafine a Saulo, tela ne avaga mo Tavita, ko oti ne tuku atu ne Saulo ke avaga mo Palati, te tama tagata a Laisa, mai i te fakai o Kalima.*

Ulu o te aso – Ko tuku atu a Mekala ki a Palati

Ko fai nei a Tavita mo tagata solitulafono, kae ko ia foki ne fai mo se takitaki o te kautau, ko te mea ke atafai kae ke lagolago kae puipui ne ia latou. Ne fetau a ia mo Apikaila te avaga fafine a Napalu, tela e fai pela me atamai kae tino gali (1Samuelu 25:3) E ui e iloa e isi se atamai o Mekala kae ne seki fakaaogagina e iloa a pati konei ki a ia. Ne mate atu a Napalu, kae ne takugina a Apikaila me se fafine ko mate tena avaga, tela ko isi se taliaga ke mafai o faaipoipo atu a Tavita ki a ia, fakatasi ei mo Ainoama

Ne puke laua ne Ameleka, kae ko taumafai nei a Tavita o faka'sao laua. Ko oti ne matea ne tatoute galuega alofa tela ne fai ne Mekala e pela e iloa mo te faitauga o te aso Anafi. Ne taumafai a tona tamana o fakatau atu a ia ki tagata ona e manakogina ke iloa ne ia a fafine konei ko Apikaila mo Ainoama. Tela la, iloto i te vaa tena, e mafai ne tatou o fakatupu te filemu i mea e manatu tatou ki ei, kae se akoakoga foki e taua mo tatou ke mo à e fakasaunoa ne tatou a fafine kola ko fakaalofa, kae maise tatou tamana ke mo à e fai ne tatou a uiga konei ki 'tou tamaliki fafine i tulaga fakaalofa o latou.

Amene

Aso Faa - 06/05/21

Tusi Faitau – 2 Samuelu 3:12-16

Fuaiupu Filifilia - f.12

Ulu o te aso – Ko toe puke o fakafoki a Mekala

Tusi Faitau - 2 Samuelu 3:12-16

Matua - f.15,16: *“Tena, ne puke keatea mai e iloa ne Isoposeta a Mekala mai tena avaga ko Palatielu, te tama tagata a Laisa. A Palatielu ne tautali atu e iloa i tena avaga, kae tagi, ke oko e iloa ki te fakai o Paulima. Kae i te faiatuga o Apinelu ki a ia ke foki, te mea e iloa ko foki”*

Ko ‘tupu nei a finauga i te vaa o Tavita mo Saulo, tela ko malsoi ei a taua ivaa o malo, tela ne manumalo ei a Tavita. Ne mate a Saulo kae ko tena tama tagata ko Isoposeta ne tumau eiloa i te pulega mo Isalaelu. Kae ko te itukaiga o Iuta ne olo katoa ki a Tavita, ne tiakina ne latou a te pulega a te takitaki a Saulo e igoa ki a Apinelu. Ne pàkuu katoa a pulega a Apinelu mo Isoposeta i se tasi tokotasi o sipai a Saulo, ko Lisepa tena igoa. Kae ona la ko te se nofo toka te mafaufau o Apinelu, ne maua ei te avanoaga o Tavita o toe ‘fao mai a Mekala, ko te mea ke toe mafai o maua sona avanoaga ki te pulega i te kàigà tupu. Kafai e fua tatou ki te olaga o Tavita, e ‘kese mo te olaga o te sipai, se tagata e se toe faipati mo te filemu. Ko fai a ia mo sui i faiga fakapolotiki tela ko matafi keatea tona fanoanoa, ona se takitaki o te kautau e kufaki. Tela la, ko fakamasaua mai ne te tala mo te aso nei, mo tatou kola e tagi mo te fanoanoa ona ko tulaga o te se toka, a te Agaga o te Atua e fakamafanafana eiloa ne ia a ‘tou loto se toka e pela eiloa mo te tala ne faitau ne tatou. Talitonu tatou ki te Atua, me isi eiloa ne ana fakatokaga mo tatou ko te mea ke maua ne tatou a te fiafia e auala i te onosai o tatou mo te fakamoemoe tatou ki ia.

Amene....

Aso Lima - 07/05/21

Tusi Faitau – 2 Samuelu 6:12-19

Fuaiupu Filifilia - f.14-15: *A Tavita tela e sulu fua ki laugatu lino, ne saka mo tena malosì kàtoa, o fakaaloalo atu ki tena Alikì. Tena ne avatu ei ne latou a te Pusa o te Feagaiga ki Ielusalema, mo puu e tagi mo tino e kalaga fiafia.*

Ulu o te aso –Ko saka Tavita

Ko nofo nei tatou i te vaega fakaoti o te tala ia Tavita mo Mekala, ka ko nofo foki a Tavita i se tulaga mauluga mo te malosì. Ko oko katoa a tena pule ki a Isalaelu mo Iuta (2 Samuelu 5:3) Ko fakafeagai nei a ia mo te kavega o te Pusa o te Feagaiga, te fakatusa o te Atua i te i ai o Ia i tona laumua fou. E takutakua, kae ne lakei a ia ki laugatu lino tela ko te gatu fakaositaulaga, ne seki gata i tona siva mai mua o te fakafaitaulaga, mo te fai o te galuega fakaositaulaga kae fakamanuia ki tagata. Mai galuega ‘lei katoa konei ne fai ne Tavita, e seai eiloa se fiafia ne maua ne Mekala e pela eiloa mo te tala, manafai e toe ‘kilo ki te kamataga i te mea ne fai ne Mekala ki a Tavita, i te faka’saoga o ia i te famalama.

E seai se lagona pela ke mafai o fakagata te gafa o Tavitaio me ke toe faipatigina iloto i kaigà tupu. E se manino foki me se à te lagona ne oko ki a Mekala e tusa ai mo te tulaga ne oko ki ei a ia ona ko tena tamana. Kae ko te fesili la, e mata ne maua se la fesotakiga mo Tavita, me koi ita i te taimi tena, ka koi se toka tena mafaufau i tala fakasolopito o te la mafutaga. Ne manatu Tavita, i à ia ko te tama fafine a Saulo, me tokotasi fua te tagata e aoga mo ia i te fakasologa a tona tamana. Ne fai a fafine tokouke mo fai ana avaga, e pela mo Ainoama, Apikaila, ko Maaka, Akita, Apitala mo Ekeli. E seai se alofa i te ia. Mai te tala ne faitau ne tatou mo te aso nei, se akoakoga tàua me mafai o oko tatou ki tulaga penei ko seai se alofa, ko seai ne fesotakiga a tatou mo latou kola ko fakaalofa olotou olaga, kae mafai o fuligina a lagona ita kona mo te otia ona ko te alofa. Ko te alofa o te Atua e mafai ne ia o fuli mea katoa, mai te masei ki te ‘lei.

Amene

Aso Ono - 08/05/21

Tusi Faitau – 2 Samuelu 6:20-23

Fuaiupu Filifilia - f.20: *I te otiga o mea kona, ko Tavita e iloa ko fanatu ki tena fale o fakafetaui ki tena kaiga, kae ulu mai Mekala o fakafetaui ki a ia; muna Mekala, “Ko oko e iloa ite maluga o te tupu o Isalaelu i teaso nei! Ko fakaasi tena fofitino pela me se vale ki tavini fafine a ana ofisa!”*

Ulu o te aso –Koa masiasi a Mekala

Ko toe foki Tavita ki te fale ona ko te finauga a laua mo Mekala, kae tenei e iloa te muamua ke mafai o iloa atu te la sautalaga. E se se sautalaga filemu ona ko mafuli te alofa o Mekala e ala i pati fakaitaita mo te sona faipati fua. Ko fakaasi e Mekala te tulaga o Tavita, ‘tupu o Isalaelu ka koi a ko te tama fafine a te ‘tupu, kae vau a ia o fao te nofoaga a tona tamana. Kae ui ei, ne seki mafai o suigina a te olaga o Tavita mo ana faiga fakaasi, e fiafia me fakamalie e iloa tonaloto, e seai se lagona o te salamo. Ko manatu aka a ia, me ko ia e iloa te ‘tupu ne filigina mai luga. Ko fakamasiasigina a Mekala mo tona kaiga ona ko ia, kae ne seai se tali a Mekala.

Ko mafai ne tatou o malamalama i te feitu o te tala ona ko iloa ne tatou a Tavita ko te ‘tupu o Isalaelu. Kae ui ei, ko te feitu e tasi, ko maina tatou i te olaga o Tavita i te ola toilalo. Konei a mea e faigofie o fesiligina ne tatou te loto o te Atua, kae mafaufau tatou ki ‘tou tiute tauave mo te fakataunuga o ‘tou olaga e se fakamaliegina. I loto i te tala, e matea ne tatou a te tumau o Tavita o fakafiafia te Atua itona olaga. Ke pena foki tatou o tumau o fakafiafia ne tatou te Atua i ‘tou olaga, ko te mea ke tumau a fakamanuiaga a te Atua ki luga ia tatou, me tena te pogai ne fai ei Tavita mo tupu o Isalaelu.

Amene

KO TE FAITAUGA O TUSI TOETOE O TE FEAGAIGA FOU

1 – Fai mea ‘lei

Aso Tapu - 09/05/21

Tusi Faitau – Tito 1: 1-16

Fuaiupu Filifilia - f.15: *E ‘ma mea katoa ki a latou kola e loto ‘ma, kae e seai se mea e ‘ma ki a latou kola e masei kae se talitonu, me i olotou manatu mo mafaufauga ko oti ne fakamasei.*

Ulu o te aso – E sili atu i lo i pati

Ne tusi ne Paulo e pela e iloa mo tala fakasolopito o tagata Keleta, me ia latou ne tagata ‘pelo. E foliga mai pela me se tala faka’kata manafai e ‘kilo faka’lei tatou ki ei. Kae i te kogà o te mataupu muamua i te tusi a Paulo ki a Tito, ko akoakogina ei ne Paulo a Tito i tana galuega e tusa ei mo te toe akoakogina a nisi o takitaki Kelisiano. Ko te uke o mea ne tusi ne ia ikonei e ‘tonu kae ‘sao. Ko mea e fakaautu tonu mo takitaki ke fakanafagina ei a te i ai o lotou i lagona fakatakitaki mo mea e fakamuamua ki ei a tupe, kae ko se atagina ei te ola fakamaoni. Fai mai Paulo, kafai koe e amio ‘pelo i taimi katoa, ko tona ikuga na e iloa ko te se iloa tonu mo te faitogafiti o koe ki a koe, mo te katakata ei o matou ki a koe. Se tasi o vaega tãua mo latou kola e mánakò ke fai mo takitaki. E tãua tou tulaga mo tau amio. Ko te amio ‘lei e sili

atu i loo i pati. Tela la, e sili ke fai tatou mo tagata fakamaoni, ke takitakigina ei a nisi ki te 'tonu o te tala 'lei.

Amene...

Aso Gafua - 10/05/21

Tusi Faitau – Tito 2: 1-15

Fuaiupu Filifilia - f.7-8: *Ke fai koe mo fakaakoakoga 'lei imea katoa, ke iloa ei i a koe ko te fakatusa o galuega 'lei, fakamaoni kae taofi mau ki ei. Fakaaoga ne koe a lauga gali kola e faigata o fai pona ki ei a tino, ko te mea ke masiasi ei ou fili, me ko seai ne olotou manatu ma'sei e toe mafai o fai mai ki a tatou.*

Ulu o te aso –Fai mea 'lei mo te manuia o te Tala'lei

Ko foliga mai i loto i te mataupu tenei, ko fakamatala ai i te uke o finauga i taimi ko oti, i te tulaga 'pau mo te saolotoga o tatou. Kae ko seai se mafutaga kaufakatasi. Ka ià e fakatonu ei te tagata pologa ko te mea ke usitai kae ke fai ne ia a mea katoa kola ne fai atu ke fai, kae seai se faitio? E isi se tala e fai ona ko te amio filemu mo te poto, leo o te fakatuanaki mo te alofa. E fakatolu taimi e maua ne tatou a te pati penei amio pulea, ko tona uiga e isi se na taua, ko fai koe mo tagata ko leoleogina tou loto ona ko tau amio, tela ko mafai ne koe o tiaki te inu mea malosi. E isi nei o latou koi tumau e iloa i te inu mea malosi e pela e iloa mo se famai, kae ko 'tau foki o tiaki a te tulaga tena. Kae mo nisi tino, ko tulaga fua o te manakoga. E tãua tou manako ki te kava ona e fakatupu ne ia te fiafia i tou loto, kae masei tou manako ki te kava ko te mea ke taumafai koe o fakafiafia tou loto, me fakatupu ne ia a manatu se tonu fakamuli. E isi se tagata e fakafiafia ne ia tou loto manafai ko mafa koulua i te taeao. Kae ui ei, kafai e iloa ko puke ki te kava malosi i te afiafi kae fakasoko ki te po, ka oko mai ei a lagona o te se fia mafuta mo te tagata tena I te taimi o te aso ona ko fakaaoga ne ia te kava. Tela la, e taua te fai mea 'lei i te mafutaga iloto i te kaiga, fenua, te Malo kae maise tena Ekalesia ko te mea ke manuia a sose tulaga e kalagagina ei tatou kae maise mo te manuia o te Tala 'lei.

Amene

Aso Lua - 11/05/21

Tusi Faitau – Tito 3: 1-8

Fuaiupu Filifilia - f.4-5: *Kae i te fakaasimaiga o te alofa kaimalie mo te 'lei o te Atua te 'tou fakaola, tela ne fakaola ne ia tatou, e se pogai mai galuega 'lei kola ne fai ne tatou i te amiotonu, kae ne pogai mai i tona alofa 'nau tela ne ana fakaolagina ei tatou, i te fakamàga tela ne aumai ei ne te Agaga Tapu iluga ia tatou, te fanau fou mo te ola fou.*

Ulu o te aso –Ke muamua mai mua te kaa soso i te solofanua

E se mafai ne au o fai atu ke fai ne au muamua te mea tela, ko te tuu o te kaa e tuu mai mua o te solofanua. Ona me se manino me pefea a foliga o te fakatinoga, me fano ki mua i te taimi e soso ei ne te solofanua te kaa io me fano ki tua. E se se tulaga 'lei te tulaga tena ke fakaakoako ki ei, kae e seai se solofanua e tuu i tona tulaga tonu, ko te mea ke mafai o ave ei a kako pela foki mo tino.

I loto i te tusi o Tito, e aumai ei te tulaga ‘lei o te olaga mo amioga e ola ei te kau kelisiano, tela e mafai o fai pela me se kaa, me ne pefea e iloa me isi se uta ‘mafa mo te ‘togi ‘mafa iluga i te kaa, e se mafai e iloa o ‘mao a momea e ave ki ei manafai e seai se solofanua. E tena foki te tulaga ko fakamafagina i te tala, ko te mea ke maina tatou me sea te tulaga tonu o ‘tou fakatuanaki ki a Iesu Keliso, e mata e ave muamua ne tatou a ‘tou manakoga o fakatuu mai mua, e aunoa mo te solofanua? Ko oti ne aumai ne te Atua a te Aliko ko te mea ke tuu mai o soso ne ia tatou keatea mai te agasala kae ke maua ne tatou a te ola e se gata mai.

Amene...

Aso Tolu - 12/05/21

Tusi Faitau – Filemoni 1: 1-7

Fuaiupu Filifilia - f.3-5: *Ke i a koutou te alofa tauanoa, mo te filemu mai i te Atua te ‘tou Tamana mo te Aliko ko Iesu Keliso. Au e fakafetai faeloa ki toku Atua manafai e manatua ne au koe i aku talosaga, me ne logo tala au i tou alofa ki kelisiano katoa mo tou fakatuanaki ki te Aliko ko Iesu.*

Ulu o te aso –Fakafetaiga mò ‘Talosaga

Ko tusi Paulo ki tona taugaso e uiga ki se tokotasi o ana pologa. Ko te kesega i te vaa o te matai mo te pologa, se tulaga e sili i te faigata. A Filemoni ko te pule tena o Onesemu, se pule malosia kae fakasaua. Kafai e tonu ona manatu ke tamate tana pologa ona ko tena telega keatea mai i à ia. Kae ne taumafai a Paulo i se faiga e sili atu i te ‘lei i loo i te mea tela e manako ki ei a Filemoni. Ko filifili Paulo ki se auala e faigofie ke mafai ne ia o ‘futi mai te loto o Filemoni. Tela ne fakamatala ai ne ia a tena kaiga mo te fakafetai ki a ia, kae maise ko te amanaiaigina a ia ne ia: Fakafetai ki te Atua ona ko Filemoni, ko te fakakatoatoaga mo tali o ana ‘talo. Mo te tala o te aso nei, se akoakoga taua mo tatou ke fakatumau e iloa ia tatou a te agaga o te fakafetai ki te Atua ona ko ana fakatokaga mo ‘tou olaga ke mafai ne tatou o manuia i tona alofa tauanoa.

Amene

Aso Faa - 13/05/21

Tusi Faitau – Filemoni 1: 8-21

Fuaiupu Filifilia - f.10-12: *Ko fakamolemole atu au ki a koe m otaku tamaliki ko Onosemu, tela ne fai au mo ona tamana faka-te-Agaga i te falepuipui. Ne se aoga muamua a ia ki a koe, kae nei ko oko e iloa i tona aoga ki a koe, e pela foki ki a koe mo au. Ko toe uga atu ne au a ia mo toku loto kàtoa.*

Ulu o te aso –Paulo mo Onosemu

E kесе e iloa te tãua o te fakailoa atu o te tala tenei e uiga ki a Filemoni. Ko fakamatalagina ne Paulo a tona tulaga e iloa. Ne seki faipati a Paulo i te tãua o te agaga fakamaoni, kae ne faipati atu ki tona taugaso e uiga mo te sua tagata. Ko manatu Paulo ko te mea ke fai se galuega ‘lei mo te tagata tenei, kae ka maua se na taimi o toe asi atu. Ne fakailoa atu ne Paulo a tona fiafia ki a Onosemu e pela e iloa mo tona alofa ki a Filemoni mo tona kãiga. Ko tona fakamoemoega, ke fai a Onosemu te pologa mo se tagata ko fakaaogagina ke fai mo taina ia

Keliso. Ne seki manatu a Paulo ke fakasaoloto katoa ana pologa, kae ko te mafutaga mo Keliso ke sui tulaga i sose mafutaga i te vāsia o pologa mo lotou matai. Ne se iloa tonu me seà te pogai ne sola ei a Onosemu, se taumate ne fai ne ia ne uiga faomea; tela la ko manatu Paulo me ‘tau ke toe ‘togi ne ia, me ne seki ola ise olaga usitai. Kafai la tena, ko nofo sala a Onosemu ia Paulo i te ola usitai.

E seki iloa tonu ne tatou me seà te mea ne tupu, te mea fua e iloa atu, ne takugina Onosemu ko te tagata i tua. Mo tatou i te aso nei, ke mo à e iloa e nunumi i te tala fakatusa: E se ko te taumafaiga o tavae a galuega a te kaa soso io me ko te malosi o te solofanua. E māsani o fakamatalagina pela, e malosi atu tau galuega i à koe. Tela la, ke mo à e iloa e galo i à tatou a te alofa o te Atua, me ne fakaolagina tatou i te alofa o te Atua ona ko te mea ‘lei ne fai ne Ia, kae se ona ko te mea ‘lei ne fai ne tatou. Fakatuanaki kae alofa.

Amene

Aso Lima - 14/05/21

Tusi Faitau – Iuta 1:1-16

Fuaiupu Filifilia - f.12-13a: *A latou e pela e iloa mo ne tino fakatupu fakalavelave i otou ‘kaiga fakakàiga i te lotou inu fakatakalia. E ‘kilo ifo làtou mo làtou ake e iloa. E ‘pau e iloa latou mo kaumana e agina i te matagi, kae seai ne vaiua e ‘to mai ei. E ‘pau e iloa latou mo lakau e see fua i aso o te taukai; me ko oti ne unu olotou tafito keatea, ko ‘mate e iloa. E ‘pau e iloa latou mo galu fakamàtaku o te tai, i olotou amioga fakalumaluma e foliga e pela mo ne takapiaga o galu. E ‘pau e iloa latou mo fetu e se tumau i se koga e tasi.*

Ulu o te aso – Initinia Fakamaoni

E isi ne tågata e atagina mai ei te tulaga o te amio ‘lei mai nisi tågata, kae e isi foki ne lagona e se tonu e mafai o fakamae kae mavae ei te Ekalesia i se taimi. Ko faipatiga la a Paulo ki tågata kola e ita ki a Iesu, mo làtou kola ne ave keatea te pule, mo latou foki kola e iloa ne latou ate kinauga a te pule e mankogina i sose taimi. Ko vaegà tågata nei ne fai ne latou te tala ‘lei mo mea kola e maua mai ei a olotou mea, ko fai ei ne latou a tulaga o te alofa faapito.

Ko te tàua o te faitauga tenei, ko te mea ke ‘kilo ‘toko tatou ki fakalavelave ko tiakina mai ki te Ekalesia, e matea ne takitaki o te Ekalesia, kae ke se fai te tulaga tenei mo mea e fakavaivai ei tatou i galuega e taku ‘leigina ei te Atua, kae mo à e fai ne tatou mo te taku ‘leigina o tatou. Tela la, loto mālōsi o fai galuega a te Ekalesia, me ko te foitino matea o te Alikī. E matea foki ne tatou i ona aso nei, kafai e iloa ko fakamalolo tatou mai tulaga fakatakitaki, ko se matea foki tatou i galuega fai a te Ekalesia. Tela la, e tàua ke iloa ne tatou a te ‘kesega i te suiga o te pule i te mea tonu.

Amene...

Aso Ono - 15/05/21

Tusi Faitau – Iuta 1:17-25

Fuaiupu Filifilia - f.20-21: *Ka ko koutou oku taugasoa, ke puti ake e iloa koutou i te outou fakatuanaki e sili i te tapu. ‘Talo i te mana o te Agaga Tapu, kae tausī koutou i te alofa o te*

Atua, ka ko fakatalitali koutou ki te 'tou Alike ko Iesu Keliso, ke tuku atu ne ia a te ola e se gata mai i tona alofa 'nau.

Ulu o te aso –“Kilo atu ki kapakàlagi”

A te tagata e fakatele ne ia te kaa, e 'kilo faeloa ki mua ko te mea ke matea katoa ne ia a mea i ona mua. E pena foki te manatu ko aumai e te fuaiupu e 21. Ko aumai ei se mafauauga ko te mea ke 'kilo koe ki mua imomea e fano koe ki ei, ona me i te koe e fano kae iloa ne koe me kilokilo ou mata ki ei, me isi ne 'tou mata mo fakatino ei momea e taunu 'lei ei tatou. Kafai ko 'tou manatu me ko te ola e se gata mai ko te fakataunuga o tatou, ko tona uiga, e 'tau mo tatou o tumau a 'tou 'kilo ki a Iesu, ko te mea ke 'taki ne Ia tatou ki te auala sao. Ko te ola ofo atu e faka'fonugina i te alofa tauanoa, kae se ko te fakasauàgina. Ko te 'kilo ki mua, ko tona uiga ko te ola faka'tali ki se mea 'lei e mafua mai ei kae fakafiafiagina ne ia tatou. E seai se toe 'kilo'kilo ki tua i sose taimi. Ona me ko 'kilo tonu tatou ki te alofa tauanoa o te Atua tela e takato mo te lumanai o tatou ana fanau.

Amene.

KO FAITAUGA O TUSI TOETOE O TE FEAGAIGA FOU

1 – Ko te pogai o te Alofa

Aso Tapu - 16/05/21

Tusi Faitau – 1 Ioane 1:1-11

Fuaiupu Filifilia - f.1: *Ko tusi atu matou ki a koutou e uiga ki te Muna o te ola, tela ko leva ne iai mai te kamataga: Ko oti ne lagona ne matou, ko oti foki ne 'kilo omotou mata ki ei. E tonu, ko oti ne matea ne matou, ko oti foki ne pukepuke ki ei omotou lima.*

Ulu o te aso – “Ko mea ne matea ne tatou kae fakalogo ki ei”

E isi ne finauga i mafauauga o tagata 'poto i suksesukega o te Tusi Tapu [sikola] e uiga kit e tusitala o te tusi a te faievagalia a Ioane mo tusi konei e tolu a Ioane. Ona e isi ne mea e 'pau kae isi foki ne mea e kese i olotou talitonuga. Ko tona uiga, e 'lei atu ke fakamatalagina a te tusi tela ne tusi i te vaitaimifakaoti o te sentenali muamua i se tokotasi tela ne tautali ki a Iesu mai te kamataga. Ko te manatu ko taumafai ki ei te tusitala o fakailoa mo latou kola e mauagina ne latou tena tusi muamua tenei, ke iloa ne latou a te 'tonu o ana akoakoga fakakelisian, me ne maua ne ia mai ia Iesu. Ne fakamaseigina te faletapu i te taimi tena, e se nà ko te siga fua o te faletapu, kae ko mafai foki o iloa ei te Atua. A te Atua ko fakailoa mai e auala i te liutino tagata o Iesu, tela ko fai mo Muna e aumai ei te ola, ko te mea ke maua ne tatou te mafutaga mo te Atua, kae ke ola tatou i te mainaga, ke mafuta fakatasi tatou mo nisi, ko te mea ke saoloto tatou mai 'tou agasala. Ona ko Iesu.

Amene

Aso Gafua - 17/05/21

Tusi Faitau – 1 Ioane 2:1-17

Fuaiupu Filifilia - f.8b: *Me ko teka atu te pouliga, kae ko leva ne maina mai a te mainaga tonu.*

Ulu o te aso –“Ola i te mainaga”

E mafai o matea ia tatou a tågata o te mainaga, me ko talia ne tatou Iesu ke fesoasoani i 'tou vaivaiga kae ola i auala o te Alike ko Iesu. Kafai e fai mai se tino “ko iloa ne au Iesu kae se fakalogo ki fakatonuga, ko te pati loi faeloa. E 'tau o sasale tatou e pela mo Ia. A te lotu e se na ko te fale, ona me seai ne fale fakapitoa mo lotu i taimi o Ioane. A te lotu se mafutaga fua o tågata kola ko talia ne latou Iesu mo te fakamagalogina o lotou agasala kae fakalogo ki ana fakatonuga. E sulu atu te mainaga ki te pouliga o te lalolagi. Ko te alofa o te kelisiano e tuku atu katoa mo latou e mafuta atu, ko te mainaga tena o te Atua. Kae sose tino e se talitonu ki te fakatokaga a te Atua, e toe foki e iloa ki pouliga. Tela la, e tåua ke olo taua ki lotu me ko te nofoga tena o te mainaga o te Atua, ko te mea ke mafai ne Ia o ave a te pouliga keatea mai ia tåtou, kae ke maua ne tatou a te mafutaga mo Ia i te ola e se gata mai.

Amene

Aso Lua - 18/05/21

Tusi Faitau – 1 Ioane 3:11-24

Fuaiupu Filifilia - f.14: *E iloa ne tatou me ko oti ne tiakina ne tatou a te mate, ka ko oko mai tatou ki te ola; e iloa ne tatou a te mea nei ona ko tatou e a'lofa ki o'tou taina. So se tino e se alofa, tona uiga koi tumau e iloa a ia i temate.*

Ulu o te aso –“Mavae atu mai te mate ki te ola”

Ko molimau Ioane, ko te mate o te tino e se na ko te gataga tena o te mate e molimaugina ne tatou. Ko kalagagina tatou mo kelisiano ke tautali ki a Iesu ke fai mo auala o te alofa o te Atua ki te lalolagi. Ko te Agaga Tapu, ko te Agaga o te alofa, e fakalauefagina ne Ia a tuakoi i te malo o te Atua mo lätou ko ofogina atu olotou ola mo Iesu. Ko te galuega foafoa a te Atua mo te tagata i te gäluega mai o te Atua e auala i te Agaga Tapu. Te alofa iloto i te mafutaga i tena Ekalesia, ke aumaifakatasi tågata ko te mea ke mäfuta fakatasi, e tena te alofa o te Atua tela e galue iloto ia tatou, e fakatupu ne Ia kae fakatumau ne Ia te tala o te Toetu mò latou kola ko ola i se olaga ko seke mo te loto o te Atua, ke fai latou mo mea faigaluega a te Atua i te tausiga o te filemu, ko latou kona e fakatupu te ita mo te tau i mo sui, kae ko se gälue latou mo te fakalauefa atu te alofa o te Atua ki te lalolagi mò latou kola koi nofo e iloa i te pouliga. Tela la, se fakamasauaga mo tatou, ke fai tatou mo mea faigaluega a te Atua, me ia tatou ne 'mate kae ne mavae keatea tatou mai te mate ki te ola, ona ko te alofa tauanoa o te Atua.

Amene

Aso Tolu - 19/05/21

Tusi Faitau – 1 Ioane 4:7-21

Fuaiupu Filifilia - f.19: *A tatou e 'alofa me I te Atua ne mua o alofa mai ki a tatou*

Ulu o te aso – “Te Atua ko te alofa”

E isi ne taimi e masani tatou o usu a pese kola e isi ne pati penei: “ko te mea e sili ia tatou ko te alofa ki te Atua” E se talafeagai a te manatu tenei ona ko te Atua ne alofa mai ki a tatou, tela ne aumai ei ne Ia tena tama ko Iesu. Te alofa o te Atua ki mea katoa ne fai ne Ia mo mea ne faite ne Ia, ko te fakavae e se lueluegina tena o te ola. E mafai ne tatou o tiaki kae ola i se olaga se tonu, e mafai foki ne tatou o fai atu pela i te Atua pule sauà e fakasala ne Ia tatou manafai e se fakalogo. Kae se mafai o suigina te Atua me i te Atua ko te alofa.

E se mafai o gata tona alofa, me kafai ko gata; ko tona uiga ko se fai a ia mo Atua o te alofa. E se o avegina keatea te alofa o te Atua mó tatou, kafai e tonu e isi ne ou manatu e kese, maumau la te alofa o te Atua ki a tatou. Kae ui ei, ne oko eiloa a Ia ki luga i te sataulo, te Atua liutino tagata (Iesu Keliso), ne alofa eiloa a Ia ki a tatou. Ne feagai a Ia mo puapuaga, ke fakamagalogina ei latou kola e fakasauá ki a Ia, ne fakasao ne Ia te pagota tela ne tautau fakatasi mo Ia, ne alofa a Ia ki tona mātua, ne tumau eiloa a Ia I te fakatuanaki ona ko tona alofa ki tona tamana. Te alofa tena o te Atua ne aumai mo tatou e auala I tana tama pele ko Iesu Keliso. Tela la, e fakafetai tatou ki te Atua, mo te uke o mea see a tatou ne fai, kae ne seki mafai eiloa ne Ia o tau, kae ne alofa eiloa a Ia mo tatou, tela ko ola ei tatou e auala I á Iesu

Amene.

Aso Faa - 20/05/21

Tusi Faitau – 1 Ioane 5:1-15, 13-21

Fuaiupu Filifilia - f.15: *Kafai e iloa ne tatou me lagona ne te Atua a mea kola e fakatagi atu ei tatou ki a Ia, ko iloa ei ne tatou me e talia eiloa ne te Atua a mea kola e fakatagi atu ei tatou ki a Ia.*

Ulu o te aso –“Ko te manumalo o te lalolagi”

Ko fai te lalolagi mo nofoga pouli. Ko faigà taua mo faitega o mea tau, ko mafuliga o tau o aso mo mäfuiè, ko fāmai mo vakalele ko fakapàgina, tela ko foliga mai ko seai se fofò o mea konei kae ko se mafai foki o taofigina. E talitonu tatou me ko seai se lagona fiafia i te lalolagi manafai e faitau tatou ki tala o mea ‘tupu i te tausaga tenei 2021. E pena foki a foliga o mea ne ‘tupu i te taimi ne tusi ei a Ioane ki te kau kelisiano i ona vaitaimi kona. E pefea la o faipati a Ioane ki tona manumalo mai te lalolagi? E tokouke tatou e se pela mo te mātua ko Teresa io me ko tàgata kola e fakatupu ne latou te filemu i te lalolagi. E ‘tau mo tatou o manumalo mai te lalolagi, kae ke mo à e manumalo te lalolagi i à tatou. Te lalolagi ‘teke ki te Atua, kae fakamalosigina ko tatou ke talitonu ki te Atua. Ko te alofa tena o te Atua tela e galue iloto ia tatou, e fakatupugina ne ia kae fakatumau te tala o te Toetu, mo latou kola ko ola i se olaga ko seke mo te loto o te Atua, ke fai latou mo mea faigaluega i te tausiga o te filemu, ko latou kona e fakatupu te ita mo te tau mo sui, kae ko se galue latou mo te fakalauefa atu te alofa o te Atua ki te lalolagi mò latou kola koi nofo eiloa i te pouliga mo amioga e se mai te Atua. Ko maina tatou i tagata kola ko mao mo mea ‘lei o te olaga io me ko se fai latou mo fanau a te Atua. Tela la, e tàua ke manafai ne tatou o maua te alofa o te Atua e pela mo ana pati ke fakasoa atu foki ki te lalolagi, me se mafai lele eiloa o manumalo te malosi o te lalolagi ia tatou, me manumalo eiloa tatou.

Amene.

Aso Lima - 21/05/21

Tusi Faitau – 2 Ioane 1:1-13

Fuaiupu Filifilia - f.6: *A te alofa tenei, ko tona uiga ko te tautali ki fakatonuga a te Atua. Tenei te fakatonuga ne tuku atu ki a koutou mai te kamataga, e ‘tau koutou o ola katoa i te alofa.*

Ulu o te aso –“E tenei te alofa”

A te alofa e sili atu tona ‘poko i uiga fakaasi o tatou. Ne faitegina tatou mo fai ana mea faigaluega, tågata o fenua o tona mào, kae ne fakakàtoatoagina tatou i te kàtoatoa o tona alofa faivasaga mo tågata katoa. Kafai la e tali atu ne tatou a te alofa o te Atua kae gàlue fakatasi tatou mo Ia, e ‘tau foki mo tatou o iloa ana fuafuaga mo mea e agaigina ne tatou. Tela la, e ‘tau mo tatou o sasale e tusa mo ana tulafono, e ‘tau mo tatou o ‘alofa ki nisi tino, kae maise ko latou kola ko fai Iesu mo fakavae papa olotou olaga. E se mafai o fakatinogina a te mea nei, mafai e se fai teAtua mo fakavae o te alofa i ‘tou olaga. E mafai fua o fakaolagina tatou i auala o te ‘alofa atu mo nisi, me ko te ata tena e kamata ei te olaga fakakelisiano, ke fakatumau ei te mafutaga mo te Atua i ‘tou olaga. Ko te alofa tena o te Atua e takitakigina ei a tatou ki te ola e se gata mai. Me ne maua ne tatou a te alofa o te Atua mai te kamataga.

Amene

Aso Ono - 22/05/21

Tusi Faitau – 3 Ioane 1:1-15

Fuaiupu Filifilia - f.11a: *Toku taugasoa pele, sa fakaakoako ki te masei, kae fakaakoako ki te ‘lei.*

Ulu o te aso –“Sa fakaakoako ki te masei”

Se mea tàua ke fakaakoako tatou o fai mea ‘lei, kae ke mafai foki o akoakogina tatou ko te mea ke ‘tofogina tatou i mea masei. Ko fakaaogagina ne fanau a vailakau malosì ona ko te fia matea. Ko faigina ei a nisi tiute fakamàtua, ona ko mea kola ne molimau mai ne tino mātua. Kae mafai o suigina se ata ‘tou olaga, mafai e fakaakoako tatou ki se olaga e se fità, kae ke gàlue tatou ko te mea ke manuia. Te loto ke tuku kàtoa ki ei kae gàlue ke fakaakoako i te fai o mea ‘lei. E mafai o oko ki ei a ‘tou manatu i te tusi a Paulo ki Filipi 4: 8-9. E fakamaoni kae ‘lei te fakaakoako ki ei.

Ko fai Iesu mo fakaakoakoga sili mò tatou, ko mea katoa ne fai ne Ia ko fakatalitonugina kae ko iloa ei ne tatou a te alofa o te Atua. E se ko mea katoa ne fai ne Iesu ke taumafai tatou o fai, kae ko tona alofa mo te Agaga o te Atua ke mafai ne tatou o fakasoa kae fakailoa atu, ko te mea ke aumai fakatasi katoa te lalolagi i te mafutaga o te alofa tauanoa o te Atua.

Amene

KO TE FEITU KI LALO O TE TALA FAKASOLOPITO

1 – Fafine o te Agaga

Aso Tapu - 23/05/21

Tusi Faitau – Galuega 2:1-21

Fuaiupu Filifilia - f.4: *Ko ‘fonu latou katoa i te Agaga Tapu, kàmata e iloa latou o faipati ki ‘gana valevale, i te mea ko tuku atu ne te Agaga Tapu ki a latou te ‘mana o faipati ki ‘gana valevale.*

Ulu o te aso –“Sui mea katoa”

Sui mea katoa i te aso Penetekoso. E ui e iloa ne fakatonu atu ne Iesu ona soko ke faka'tali i Ielusalema i te oko mai o te Agaga Tapu, kae ne seki malamalama e iloa latou i te meaka tupu me ka oko atu te Agaga Tapu. Ko 'fonu katoa latou i te Agaga Tapu, kamatae iloa latou o faipati ki 'gana valevale, ko suigina ei latou katoa ona ko te malosi o te Agaga Tapu. Kafai e faitau tatou ki te tala masani, e se seai e iloa se tino ne fesili ne ia, me ko fea fafine i te taimi tena. E faigofie o fakamatala ne tatou te tala o te Penetekosomo 'tou manatu me na ko tamana ne maua ne latou te Agaga Tapu. I te Mataupu 1:14, e fakaasi mai ei me ne 'talo fakatasi latou mo tamana iluga i te potu tafa kilugamo te mātua o Iesu, ko Malia. Ko tona uiga i te taimi ne vau ei te Agaga Tapu, ne i ai fakatasi latou katoa, ne fakafonugina foki latou ne te Agaga Tapu. Ko te manatu foki tena o te vaiaso tenei, "ko te agaga o mātua" Ko molimaugina foki ne tatou te mālōsi o mātua mo te t̄ua, me ko latou ne fai ne latou a suiga i te lalolagi. Ko aoga ei a tala fakasolopito a latou mo tatou ona ko mea ne fai ne latou.

Amene.

Aso Gafua - 24/05/21

Tusi Faitau – Kenese 38: 6-26

Fuaiupu Filifilia - f.26a: *Ne matea ne Iuta a mea kona, tela ne fai aka ei a ia penei, "E tonu Tamala, ko oti ne se fai ne au te mea 'tau.*

Ulu o te aso –“Ko fakalavelave faigata ne fakafeagai mo Tamala”

E isi ne fakamunaga masani e fai sale 'piki ki vasia o fatu mo tulaga faigata" E penate manatu ne fakafeagai mo Tamala. Ne mate tena avaga kae seai se na tama. Kae i fakanofoga o sosaiete, e isi se na saolotoga o pule a tamaliki. Kae ui ei, e se manako a te taina o tena avaga ona e matakū mana se fakaaogagina a tona tofi. Ko te suā taina, e foliki kii ke fai mo tamana. Ne toe foki Tamala ki te fale o tona tamana, tela se fafine ko oti ne mate tena avaga. E ui i te toe foki o Tamala, kae ne taumafai e iloa tena loto ona ko tona saolotoga, tela ne mālōi ei ne ia te tamana o tena avaga ko te mea ke maua ei se na tama, ne iloa ne Iuta te togafiti ka fai ne Tamala, tela ne manatu aka ei a ia ke 'tuli keatea a Tamala. Kae ui ei, a ia se fafine ko mate tena avaga, tela e tonu te manatu o Tamala. Ona e faigata ke fai se ikuga mo te saolotoga o se fafine manafai ko oko ki se tulaga fakasala, kae ko mafai ne Tamala. Tela la, ko fai te tala o te aso nei, ke masaua faeloa ne tatou tulaga o fafine fakaalofa, kae ke 'talo tatou mo latou ko te mea ke maua ne latou te mālōsi mo te fakamoemoe ke mafai ei o fakasaolotogina latou mai fakasauaga.

Amene

Aso Lua - 25/05/21

Tusi Faitau – Esoto 1: 15-21

Fuaiupu Filifilia - f.17: *Ka ko te tokolua fafine konei ne mātaku ki te Atua, tela ne seki faka'logo ei laua ki te fakatonuga a te tupu, kae ne fakasao e iloa ne laua a tamaliki tagata.*

Ulu o te aso –“Kalaga ki fakatosaga”

Ko te tàua o te fakatosaga, se tagata e loto mafanafana kae manako lasi ki vikiga, kae ui ei e kese te manatu tenei. Ko fakaasi mai ei te faigata o te olaga ne ola ei fàfine i te vaitaimi tena, i te uke o mea faigata ne fakafeagai mo latou. Ko fakatosaga mo tamafine, ko taumafaiga ki mua a tagata o fakatino olotou galuega mo te mautinoa ke mafai o 'lei olotou masaki. Ko fetau tonu e iloa a manatu kona ia Sepela mo Pua, ko laua kona ne fakasao ei a ola o te tokoukega o tamaliki Epelu. Ko laua kona ne fakatinogina te là galuega mo là filifiliga, mo te agaga o te fakamoemoega ke fakamaseigina. Ne tuku kàtoa o la loto kae fakatuanaki ki te Atua i loo i te mea ne manako ki ei te tupu. Tela la, ko tou kalagagina ke fai koe mo fakatosaga, ke fai ne koe mo te loto fiação, fakalagolago ki te Atua ona ko tofia koe ne te Atua mo tau taleni fesoasoani tena.

Amene

Aso Tolu - 26/05/21

Tusi Faitau – Numela 27: 1-11

Fuaiupu Filifilia - f.8: *Fai atu ki tino Isalaelu me kafai e mate se tagata kae seai se na tama tagata, ko tena tama fàfine e tuku ki ei ana mea.*

Ulu o te aso –“Fakatagi mo olotou saolotoga”

Ko te tulaga ke fai koe mo tupu, e 'tau mo koe o isi sou sòkoga ki te kàigà tupu. Kae e se mafai o fakaaogagina fafine, fakatalia me matua te tamaliki fafine, kae se mafai e iloa o tuku ki ei te tofiga, na e iloa ko te tamaliki tagata e fakasopo ona ko te tulafono. Kae ne mafai o suigina a te 'kiloga tena ne te tama fafine a Selofeata – Maala, Noa, Hakelu, Maleka mo Tilesa. Ne 'tuu i mua o Mose kae fesili atu ki a Mose mo lotou tofiga. E ui e iloa e se faigofie ia Mose, kae ne fai e iloa te manakoga a fafine konei. E ui e iloa ka seki fakalogo tatou ki igoa konei, kae 'tau ke manatua ne tatou a latou ona ko olotou loto lasi o 'tuu mai mo se suiga. E ui se 'kini mai te tua o Mose kae ne fai e iloa ne ia e tusa mo te tali mai o te Atua mafai e fesili a ia ki te Atua. E ui i te se faigofie o maua se tali i te manatu ona ko tulaga masani, kae ne loto lasi a ia i tana fakaikuga. kae ko mafai ne te tamafafine. E ui i te tokouke o latou ne mànako ki olotou tofi I taimi o Mose, kae ne mafai e iloa ne te tama fafine ke fai se suiga e auala i te tofi a te lotou tamana.

Amene.

Aso Faa - 27/05/21

Tusi Faitau – Famasino 1:12-15

Fuaiupu Filifilia - f.14b: *Ne fanatu Akesa ki tena tamana I tena asini, kae sili mai tena tamana me seaa te pogai ne vau ei a ia.*

Ulu o te aso –“Au e se manako ki aulo”

Ne 'teu faka'lei ne au a mea totino a toku màtua iloto i se pusa foliki, ona e pele i à au. E se lauiloa te igoa o Akesa i tala o te Feagaiga Mua, kae ko ia se fafine o te agaga. Ko te uiga o

tena igoa ko te ‘aulo.’ E tokotasi eiloa te tama fafine a Kalepo, ne tuku atu a ia ki a Otinielu i auala o te fakaipoipoga. Ne fai atu Akesa ki a Otinielu ke fai ki tona mo se manafa, ne seki taunu, tena fano eiloa Akesa o fakailoa tona manakoga. Ne ave tupe mo aulo mo fai meaalofa ki fafine, kae se mafai o fai a tupe ke liu laukele. Ko te loto lasi o Akesa, ne tupu ei te alofa o tona tamana, e se gata fua i tona alofa ki tena tama fafine, kae fai mai me ne ave foki ne ia te laukele i te feitu kiluga mo te feitu kilalo kola e fonu faeloa i vai. E ‘teu ne au aulo a toku mātua kae sili atu la ke ‘teu ne au a tona alofa. E tena foki te akoakoga mo tatou i te tala o aso nei, i te alofa o te Atua mo tatou i mea e manako tatou ki ei, e se mafai o fakaseke ne te Atua a manakoga o tatou, e aumai eiloa ne ia ko te mea ke iloa ne tatou a tona alofa. Munà Akesa, e ‘teu ne au aulo a toku mātua ona ko toku alofa ki toku mātua, kae sili atu la ke ‘teu ne tatou a te alofa o te Atua mo tatou, ona ko te ola ne maua ne tatou i tona alofa tauanoa.

Amene

Aso Lima - 28/05/21

Tusi Faitau – 1 Samuelu 25: 4-19

Fuaiupu Filifilia - f.14: *E isi se tavini a Napalu e tokotasi ne fai atu ki a Apikaila, te avaga a Napalu penei, ‘A koe kai logo i avefekau ne uga mai ne Tavita mai te vao mo alofaga ki a Napalu, kae ne tali se ‘lei a ia ki a latou.*

Ulu o te aso –“Ko maua se fekau”

Ko foliga mai pela me se fakasalalauga mo se ata fakatino te faitauga o te aso nei. Ko aumai ei se ‘kiloga i te malosi o taua i vasia o malo. Ko se talimalo ‘lei a Napalu i avefekau a Tavita. Ko seai se fiafia i te loto o Tavita ona ko te mea ne fai ne Napalu. Ne logo Apikaila i te mea tena, tela ne lotolasi ei a ia ke fai se faiga ko te mea ke fakatoka ei te fakalavelave tela ka agai mai, tela ne fai fakavave eiloa. Ne se nofotoka te mafaufau o Apikaila kae ne taunu te fakatokaga tena ki se tulaga manuia ona ko te se ‘lei te loto o Tavita. Ne fai te uke o meakai mo mea e fakatupugina ei te filemu, kae ne taumafai eiloa a ia o fakataunu te mea tela i tona loto. Mo te fekau o te aso nei, ko fakamasaua mai ki a tatou te tàua o tino fakatupu te filemu me maua te tokaga mālīe i tona olaga ona me fakatumaugina ne ia a mafutaga ‘lei i vasia o tagata mo malo.

Amene.

Aso Ono - 29/05/21

Tusi Faitau – 1 Samuelu 25: 23-35

Fuaiupu Filifilia - f.32: *Muna Tavita ki a Apikaila, “Ke vikia te Alikī, te Atua o Isalaelu, tela ne uga mai ne ia koe i te aso nei.*

Ulu o te aso –“Ko te mātua o te agaga”

Ka koi nofo tatou i te faitauga o te tala ia Apikaila i te tusi o Samuelu muamua, ka mafai ne tatou o maina i te fafine loto lasi kae fakaofoofogina. Se fafine atamai, tela ne fai ne ia se mea ‘lei ona ko te mea see tela ne faigina ne tena avaga. Kae se tasi o vaega tàua i te tala, ko te lauga a Apikaila (24-31). Ko fakamaugina ne te Feagaiga Mua, ko fai ana muna mo ana

fakatinoga mo vaifoo ki tona kàiga. Ko fano keatea a ia mai tona tulaga ko te avaga a Napalu, kae ko fai a ia mo tino fautua. Se ‘kiloga ko sili atu i loo i ‘kiloga masani ne iloa atu ei a ia. Ne fai ne ia ke mafai o fakasao a ola o te tokoukega. Ko fai a ia mo fakaaokoakoga ‘lei mò fafine mo tagata katoa kola e ita i te fakamatalagina o fakamoemoega a sosaiete i ona aso nei. Tela la, se mea tàua mai te tusi tenei, ke maua ne tatou a te agaga o te mafai o fakatumau a lagona konei o te fai mea ‘lei mo nisi tino e vikia ei te Atua.

Amene

KO TE FEITU KI LALO O TE TALA FAKASOLOPITO

2 – Fafine o te Muna

Aso Tapu - 30/05/21

Tusi Faitau – 2 Samuelu 21: 1-14

Fuaiupu Filifilia - f.10a-14b: *Ne fanatu te avaga fakasalasala a Saulo ko Lisepa, te tama fafine a Aia, o puke mai a laugatu o faite ki ei tena fakamalumu iluga i te kaupapa tela ne tuku ki ei a foitino o tino kona ne mate, noho e iloa a ia ikona mai te kamataga o te ‘katiga o saito, ke oko e iloa ki te taimi ko kamata ei a vaiua o te tau vaiua. Oti aka, kae tali mai te Atua ki olotou talosaga mo te lotou fenua.*

Ulu o te aso –“Finau mo te sao”.

Ko te faitauga o se fanoanoaga lasi tela e se mafai o palele. Ko ave ana fanau mo fai te taulaga i fenua ne pokotia i te oge mo te nofo sala i taimi o taua ko mavae atu. Ko màluga a leo o te tala fanoanoa ki nisi o màtua kola e tauave ne làtou te ‘mafa o te tulaga o fanau ne ‘mate. E ui ne finau e iloa a Lisepa ona ko te mate o tena tama, kae ne finau foki mo tona saolotoga. Ko te tulafono a te Atua, e tapu a te fakamaseigina a tagata mate i manakoga o tagata, ke fakailoa ei te fakaaloalo ki a latou kola e fanoanoa. Ko Lisepa se fafine lotolasi, e nofo i te vao o taumafai o leoleo te foitino mate o tana fanau. Ne fakafeagai a ia mo manu fèkaio te vao kae maise ko te ita o te tupu, kae ne seki fakavaivai e iloa a ia. Ne fai ne ia te fakamasinoga tonu, ko tona fakamaoni ki tana fanau ne mate, ko manatua ei te fafine ne alofa ki a Iesu, ne alausu ei a ia ki te tanuga o fakasausau te foitino mate, kae ne taofigina i leo o te tokoukega o fafine i te tala fakasolopito, tela e tagi maluga mai ke fai te mea tonu.

Amene.

Aso Gafua- 31/05/21

Tusi Faitau – 2 Tupu 4: 17-22, 27-37

Fuaiupu Filifilia - f.35-37: *Ne tu aka Elisaia kiluga, sasale pela iloto i te fale, toe foki atu ei o takato iluga i te tamaliki. Ne mafatua fakafitu te tamaliki, te mea e iloa ko ‘pula aka ona mata. Ne fakasiga ifo a ia i vae o Elisaia, mo ona mata ko patele ki te laukele, tena ne puke aka ne ia tena tama, kae olo.*

Ulu o te aso –“Ko se ‘gana te fafine”

E se ko taimi fua o fanoanoaga e fai fesili ei tatou mo ‘tou manatu ko seai se fakamoemoega i te ola. E pela mo te fafine Sunema, e fakasoa kae avatu ki tavini a te Atua a ‘tou mafatiaga e se mafai o fakamatalagina. E mautinoa ei a te ‘tou fesoasoani, e ui i nisi taimi ko manatu tatou me ko tuai a te fesoasoani a te Atua. A tatou ko tagata o te Atua, e fakatau fesoasoani kae fakasoa te tino ki sua tino.

Ko kavea ei tatou mo tagata o te Atua e fesoasoani atu ki te faka’leiga a te Atua ki te lalolagi fia inu mo te fakanumi. Iesu ko te tama a te Atua, tela e i ai fakatasi mò tātou i tona filemu, kae manakogina ke fakasoa atu a tona alofa ki te lalolagi mafatia, ko te mea ke maua ne te lalolagi a te ola e se gata mai, I à Iesu.

Amene